



# Contrato Electrónico da plataforma forga.info (forga.org)

## Inicio de sesión

Introduza o seu nome de usuario e contrasinal

Usuaria/o:

Clave:

Entrar



**Novo/a Usuario/a? !!Rexístrese aquí!!**

**Se non lembra os seus datos de acceso prema aquí**

## CONTRATO ELECTRÓNICO DO USUARIO/A DA PLATAFORMA FORGA.INFO/FORGA.ORG

### Dunha banda:

A Fundación para a Orientación Profesional, a Investigación e o Desenvolvemento Tecnolóxico, o Emprego e Formación en Galiza (forGA), con CIF G36818367 e con enderezo social na cidade de Vigo, Avda. Aeroporto nº 92 1º andar (CP 36206) do concello de Vigo correo-e: ([snmerc@forga.org](mailto:snmerc@forga.org)). Teléfono: 986 272075. Fax: 986 281295, en adiante **A PRESTADORA DO SERVIZO**.

### Da outra:

A persoa interesada, cuxos datos foron rexistrados na base denominada FORGA da plataforma forga.info (forga.org), en adiante **O/A USUARIO/A DO SERVIZO**.

Ambas partes, recoñecéndose capacidade legal suficiente, **ACORDAN** subscribir este **CONTRATO ELECTRÓNICO**, ao abeiro das seguintes,

### ESTIPULACIONES:

#### PRIMEIRA.- OBXECTO DO CONTRATO:

O obxecto do presente contrato consiste en regular as relacións entre o usuario/a da plataforma forga.info (forga.org) e a entidade propietaria da mesma: a Fundación para a Orientación Profesional, a Investigación e o Desenvolvemento Tecnolóxico, o Emprego e Formación en Galiza (forGA); así como as condicións de prestación dos servizos que se derivan da alta e rexistro dunha persoa como usuario/a da citada plataforma.

#### SEGUNDA.- SINATURA DO CONTRATO:

A persoa interesada pode examinar e estudar este documento contractual, con carácter previo a aceptalo e a darse de alta como usuaria na plataforma forga.info (forga.org), a meio da súa lectura ou descarga na parte pública do citado medio tecnolóxico; especificamente: no apartado: INICIO/Oferta Xenérica Formativa da forGA.

#### TERCEIRA.- DATA DE INICIO E DURACIÓN DO CONTRATO:

A relación contractual entre o/a interesado/a e a propietaria da plataforma forga.info (forga.org), establécese a partires da data na que o/a primeiro/a procede a rexistrarse en liña, dándose de alta, como usuario/a, da citada plataforma forga.info (forga.org).

A persoa interesada subscribe e acepta a totalidade das estipulacións deste contrato, dende o mesmo momento no que se rexistra como usuaria dos servizos prestados da plataforma forga.info (forga.org), activando un nome de usuario e un contrasinal.

O contrato terá un período de vixencia tres meses naturais, a partires da data na que o/a interesado/a formalice a súa alta, como usuario/a, na plataforma forga.info (forga.org); prorrogándose a súa duración, automaticamente, por períodos de igual duración, de non mediar denuncia escrita dunha das partes con 15 días de antelación ao seu vencimento.

#### QUINTA.- SERVIZOS DEDUCIDOS DO CONTRATO:

O/A usuario/a da plataforma forga.info (forga.org), unha vez adquirida tal condición, dispón dos medios de xestión da súa demanda de preinscrición e dos servizos que se relacionan:

- Un nome de usuario/a e un contrasinal que lle permitirán acceder á parte privada da plataforma.
- Un apartado, na parte privada, denominado: OS MEUS CURSOS, a meio do que poderá xestionar as accións formativas nas que se preinscriba.
- Un apartado, na parte privada, denominado: CONTACTO, a meio do que poderá dirixirse á forGA.
- Un servizo periódico de información, por correo electrónico, sobre actualidade formativa, laboral, social e sindical.

No futuro poderán implementarse mais apartados e prestarse novos servizos, completando os descritos neste punto, relativos ao obxecto para o que está pensada a plataforma forga.info (forga.org).

#### **SEXTA.- PREVISIÓN TERRITORIALIZADA E SECTORIALIZADA DE CURSOS:**

O Servizo Nacional de Comunicación da forGA pendurará na Plataforma forga.info (forga.org), territorializado/s e sectorializado/s, o/s curso/s ou programa de cursos que se aproben pola/s entidade/s condecendente/s dos recursos económicos, a efectos exclusivamente informativos. A partir dese momento comezará o proceso de selección de alumnos/as preinscritos/as.

#### **SÉTIMA.- A PREINSCRICIÓN NUN OU EN VARIOS CURSOS:**

O usuario/a da plataforma forga.info (forga.org), se o desexa, conta coa posibilidade de preinscribirse en calquera das accións formativas que a entidade forGA ofereza na súa OFERTA FORMATIVA XENÉRICA.

A solicitude de preinscrición dos interesados e interesadas adquirirá natureza de demanda de inscrición cando a organización dos cursos sexa autorizada, con carácter definitivo, pola equipa de dirección da forGA.

A solicitude de preinscrición nunha e/ou varias acción/s formativa/s concreta/s non xerará ningún tipo de dereito a favor do usuario/a da plataforma a ser seleccionado/a para participar nun e/ou en varios curso/s.

#### **NOVENA.- O INICIO DO/S CURSO/S:**

A decisión de inicio de cursos corresponderá ás estruturas da forGA que a teñan atribuída, de acordo co seu ámbito de competencias. En todo caso, esa decisión sempre deberá ser comunicada e encamiñada cara o Servizo Nacional de Programación Centralizada da forGA, a meio da Delegación Territorial da fundación que corresponda. Só tras a aprobación e autorización da solicitude de inicio, polos Servizos Nacionais de Programación Centralizada, de Execución e Seguimento e de Xestión Económica da forGA, se porá en marcha o curso de que se trate.

#### **DÉCIMA.- O PROCESO DE SELECCIÓN PARA PARTICIPAR NUN/VARIOS CURSO/S:**

O/A usuario/a preinscrito/a elixe a acción formativa na que desexa participar; sendo as estruturas de xestión da forGA as que o/a seleccionan ou non para participar nun ou noutro curso concreto, tendo en conta que cumpra cunha serie de criterios obxectivos e administrativos que se publicarán con cada convocatoria.

Tras o proceso selectivo, os/as usuarios/as preinscritos que foran seleccionados/as recibirán unha comunicación por correo electrónico, indicándolles as datas e lugar de execución das accións formativas para as que foran escollidos/as, a fin de que procedan a confirmar a súa matrícula. A partir dese momento, o/a preinscrito/a nunha acción formativa, tornará en

seleccionado/a nun curso e, xa que logo, perderá a condición de demandante-preinscrito/a da oferta formativa xenérica que corresponda co curso para o que foi escollido/a; mantendo a súa demanda no resto das accións formativas xenéricas nas que se preinscribise e, mesmo, podendo volver a preinscribirse de novo na acción da que fora excluído pola selección para a realización dun curso concreto.

A ausencia de selección do/a demandante preinscrito/a para participar nun/varios/todos curso/s ou programa/s, por calquera causa admisíbel en dereito disposta pola propiedade da plataforma, non xerará ningunha responsabilidade para a forGA, nen dereito de resarcimento para o usuario/a da plataforma.

#### **DÉCIMO-PRIMEIRA.-PREZO DO SERVIZOS CONTRATADOS. GRATUIDADE:**

Todos os servizos regulados por este contrato teñen carácter gratuíto para o usuario/a da plataforma forga info (forga.org). Se, a meio de tal plataforma, no futuro, se dispuxese algún servizo non gratuíto para o/a usuario/a sería convenientemente informado e contractualizárase en documento aparte.

#### **DÉCIMO-SEGUNDA.- INFORMACIÓN E AUTORIZACIÓN PRECEPTIVAS EN MATERIA DE DADOS DE CARÁCTER PERSOAL, A EFECTOS DO CUMPRIMENTO DA LEI 15/1999, DE 13 DE DECEMBRO:**

O/A usuario/a, reconece, a meio da aceptación deste contrato, que fica informado/a de que todos os datos solicitados, nos distintos apartados da plataforma forga info (forga.org), son precisos para a formalización da súa solicitude de participación nas accións formativas que lle interesen, así como para ser beneficiario/a do resto dos servizos prestados por tal plataforma. Igualmente, fica informado de que tais dados serán incluídos no ficheiro denominado FORGA, propiedade da *Fundación para a Orientación Profesional, a Investigación e o Desenvolvemento Tecnolóxico, o Emprego e Formación en Galiza (forGA)* e autoriza a esta última entidade ao seu tratamento de acordo coas finalidades previstas na citada base de datos: xestión das ofertas formativas, preinscricións, seleccións, comunicacións, impartición de cursos, así como envío de informacións sobre actividades formativas, laborais, sociais e sindicais.

O/A usuario/a reconece, a meio da aceptación deste contrato, que fica informado/a dos seus dereitos de acceso, oposición, rectificación e cancelación, respecto dos seus datos persoais de acordo ao previsto na Lei 15/1999 do 13 de decembro, podendo exercitalos por escrito ou por correo electrónico (snmerc@forga.org), achegando copia, física ou escaneada, do seu documento de identidade, e dirixindo o escrito ao/á "Responsábel de Seguridade da forGA" (Avda. do Aeroporto 92, 1º andar. 36206. Vigo. Pontevedra.).

O/A usuario/a autoriza á forGA a ceder os datos facilitados por medio da plataforma forga info (forga.org) á Confederación Intersindical Galega ou a calquera outra persoa física ou xurídica que interveña, con autorización por conta desta, como entidade responsábel da xestión das accións de información sindical, así como das accións formativas para a execución, financiamento, control, seguimento e avaliación dos programas correspondentes.

O/A usuario/a, asemade, autoriza á forGA a ceder os datos facilitados por medio da plataforma forga info (forga.org) á Xunta de Galiza, ao Goberno Central ou a calquera outra administración competente e responsábel da regulación da acción formativa na que fose incluído; autorizándoa, en aplicación do establecido na Lei Orgánica 15/1999 do 13 de decembro de Protección de Datos de Carácter Persoal, a comprobar a veracidade dos datos achegados.

#### **DÉCIMO-TERCEIRA.- NORMATIVA DE APLICACIÓN e RESCISIÓN DO CONTRATO:**

Esta relación contractual réxese pola lexislación vixente en materia de servizos da información e comercio electrónico (Lei 34/2002 de 11 de Xullo), polo Código Civil e, no seu caso, polo Código de Comercio, así como pola Lei de Protección de datos de carácter persoal.

Calquera das dúas partes poderá rescindir este contrato, sen dereito a indemnización ou resarcimento algún, con só comunicalo por escrito a outra parte cunha antelación mínima de 10 días á data da extinción contractual decidida.

#### **DÉCIMO-CUARTA.- SOLUCIÓN DE DISCREPANCIAS E XURISDICIÓN:**

A solución das discrepancias que puidesen xurdir como consecuencia do vigor deste contrato, someterse á xurisdición dos tribunais da cidade de Vigo; sendo preceptivo, antes da interposición de calquera acción procesual, o intento documentado de acordo e, posterior, reclamación previa.

**En Vigo, na data de alta do usuario/a na plataforma forga info (forga.org)**